


# ÈL PIEMONTEIS AS MODERNISA

## Pen-a surtì un DVD dzora 12 poeta piemontèis

A l'è da pòch stàit completà un DVD dzora dodes autor dia poesia piemontèisa. Ij poeta a son él mej ch'i l'oma: Isler, Calvo, Brofferio, Costa, Pacot, Autelli, Burat, Dorato, Pich, Brero, Nicola, Olivero. El coment a l'é del professor Sergi Gilardin; minca coment a l'é seguì da la letura ed na poesia, fàita da l'atris Franca Aiassa. El regista dl'operassion e èl realisador del video a l'é nòst Cesare Matta. La prima presentassion del DVD a l'é tnusse a la biblioteca ed Butiera d'Ast èl 24 stèmber passà: ansema a la proeission l'atris Franca Aiassa a l'ha lesù le poesie. A l'é n'euvera ch'as nàviga con facilità: as peul seme l'autor da vedde e scoté e ant l'ordin ch'as veul. El DVD a l'é disponìbil a la segreteria dl'Union dj'Associassion Piemontèise ant èl Mond, ma la speranza a l'é de spedilo a gratis (se a-i saran ij fond) a tute j'associassion piemontèise an gir per èl mond - e a son tante! A dovria an séguit esse butà an vendita. El material video a l'è stàit gira a Cher e a Marentin, an parti-



colar andrinta a Villa Zuccala che a l'è proprietà del professor Vanetti, vajant guardian die veje ròbe del Piemont. El DVD a veul esse el prim ed na serie dzora j'autor dia literatura piemontèisa, mincadun comentà da n'académich diferent.

Per anformassion e arceste: Union dj'Associassion Piemontèise ant èl Mond Gaidano & Matta S.n.c. Via Roma, 7- 10023 Cher Tel. 011 942.33.54 Mail: cesare@gaidanoematta.it



Gianni Davico



Si a sinistra l'atris Franca Alassa; dzora èl professor Sergi Gilardin; tut an aut èl realisador Cesare Matta